

定香亭筆談

定香亭筆談敘

余督學浙江時隨筆疏記近事名曰定香亭筆談殘  
篇破紙未經校定戊午冬日任滿還京錢唐陳生雲  
伯偕余入都手寫一帙置行篋中己未冬雲伯從余  
撫浙旋南孝豐施孝廉應心復轉寫去付之梓人其  
中漏略尚多爰出舊稿屬吳澹川陳曼生錢金粟陳  
雲伯諸君重訂正之諸君以其中詩文不妨詳載遂  
連篇附錄於各條之後余不能違諸君之意因訂而  
刊之竝識其緣起如此

嘉慶五年長至日揚州阮元記

定香亭筆談卷一

揚州阮元記

嘉興吳文溥錄

浙江杭州學使署西園有荷池池中小亭翼然四圍  
竹樹蒙密入夏後萬荷競發清芬襲人亭舊無名余  
用放翁詩風定池蓮自在香意名之曰定香亭命青  
田端木子葵國瑚賦之清思古藻絕似齊梁人手筆

定香亭賦

端木國瑚

謝公水月杜老乾坤抗心古哲怡志名園榜修月  
斧堦斲雲根井惟客轄市豈臣門神清藻想氣馥  
蘭言聞空香而入妙儼寂定而無喧榜曰定香亭

宜標碣地展三弓居容十笏碧淺楹低綠沈屏凸  
晨光雨後三徑草薰午韻晴初一欄花發友相問  
兮冰心世不知兮仙骨噓翰墨以繪林招烟霞而  
彌窟水曲雲平橋連虹斷鳴綠頭低雁紅齒短露  
氣沈寒日光抱暖苔侵午潤蝸舍紋移藻漲春陰  
魚鬬影散簾疊浪而香連簾含漪而翠滿人疑陸  
海潘江地是蓬壺桂館亭則宜春梅花絕俗塵不  
凝紅莓還襯綠紙帳寒幃銅瓶臥褥品逸於仙心  
閒似鵠句淨鏤冰神清照玉愛處士之清淺黃昏  
遇高人於水邊籬曲綠檻晨潤朱華夏榮露白羽

淨霞紅衣明香空月淡影重風清碧筒醉淺白社  
緣輕翠凌波而脉脉芳襲袂以盈盈問騷人兮何  
多怨愛君子兮未忘情梧蔭初長桐陰遠送碧抱  
吟蟬香披么鳳一闌涼影彩筆分題半榻清音瑤  
琴微弄黃葉烟疎蒼苔月空不知秋思誰家莫道  
秋光如夢檐空四壁竹擁千椽疎陰碎地密翠浮  
天綠圍虛幌青護重筵昏黃佇月深碧流烟湘枝  
按曲玉版談禪招此君而入座共歲暮而忘年時  
若座拱冰壺軒懸玉界金石紛披琳琅密挂唾散  
珠璣氣澄沆瀣棋憑客聽石供丈拜梨雲蘇軾之

詩蕉雪王維之畫來物外之清虛去胸中之芥懣  
高密列座公幹升堂壁牋韻僻擊鉢聲長虹光躍  
硯霞氣流觴性諧荀令文述歐陽蜺頭雲暗塵尾  
風涼句奪五花之簞心嘔古錦之囊爲想永和人  
物雅宜江左文章額已畱題碑誰作記手淨薔薇  
心清茉莉古綠摹文硬黃搨字筆花夢驚墨藻心  
醉寶色星迷神光電萃地惟奎壁之虛案是玉皇  
之吏

定香亭避暑最宜夏日余嘗坐此校書客有過訪者  
茶瓜清讌流連竟日竹陰沈水游鯈在空不知人世

正三伏也

題定香亭

謝啟昆

一簾虛白自生光  
鼻觀微參別有香  
鷺立影橋新雨過  
校書人在水中央

蓮性時時淨與通  
非關花氣撲疎櫳  
小池縹碧茶烟散  
一陣風來憶放翁

華亭張子白

若采

至杭州七夕攜薜石翁畫荷花展

讀於定香亭上池荷瀉露盆蘭吐芬  
把酒論詩極一時  
清興余題畫云蓮花過雨清宜畫  
蘭箭臨風韻似詩  
記取丁年秋七夕  
定香亭上晚涼時

定香亭在池中央由石橋三折乃達余名石橋曰影橋作文記之以其爲衆影所聚也

影橋記

阮元

浙江學使者駐於杭署在吳山螺峯之下宅西有園園有池池中定香亭與岸相距由石橋三折乃達余名之曰影橋蓋衆影所聚也池中風漪渙然是有池影亭倒映於池是有亭影亭與橋皆紅闌是有闌影岸邊豆蔓牽牛子離離然是有籬影其樹則有女貞枇杷桐柳榆穀其花則有梅桂桃荷木芙蓉其草則有竹蘭女蘿是皆有影每當曉日

散采夕月浮黃輕雲在天繁星落水霞圍古垣雪  
糝幽石而影皆在橋魚躍于下鳥度于上蝶乘風  
于亭午螢弄光于清夜而影亦在橋至若把卷晞  
髮挈榼攜燈度橋而來者其影無盡皆可以人之  
影繫之故余以影名橋爲衆影所聚也而橋之自  
有影於池也不與焉

余初至杭州於大門內及內宅西園補種桃梅雜樹  
數百本作補樹詩夫使星三年而易樹木十年而成  
是所望於後來者之培植矣

補樹詩

阮元

繞樹數春花出牆量古木當年種樹人此意良不  
俗官閣雖清嚴三年若郵宿矧茲奉簡書日月隨  
轉轂與樹相盤桓一年尚不足去者或不戒毀薪  
且徹屋不見新樹栽惟見舊樹仆我從歷下來住  
此吳山麓蒼苔三徑深老桂一冬綠所嫌行栗彫  
如髮漸宣禿橐駝負樹來隙地數弓廝小梅影橫  
斜春意半含蓄門庭植桃李左右各六六植根必  
使深膏雨及時沃譬如爲學人慎勿苦局促春風  
一以吹鳴鳥樂清淑夜深明月來虛牕橫畫幅吾  
情欲陶寫素不愛絲竹惟此栽者培頗可娛心目

百年計樹人一年計樹穀十年樹木心所冀來者  
續

余值南齋時與秦小峴錢裴山二君每五鼓在禁中  
卽索筆相見其時小峴裴山皆值軍機處也及余視  
學來浙適小峴觀察杭嘉湖裴山亦在杭州嘗以雨  
後招游西湖余有句云共舒中禁鐙前目來看西湖  
雨後山

秦小峴觀察招游西湖晚謁表忠觀適錢裴山同  
年過訪未值  
阮元

天使浮雲自往還春晴喜借一舟閒共舒中禁鐙

前目來看西湖雨後山吾輩冠裳烟水上君家祠

宇竹松間好將千首新題句都就詩人子細看

時新

得諸生表忠觀落成詩千餘首

嘗侍家大人射鵠子於西園與諸友人聯句余有句

云投石散水暈客以爲摹擬克肖天長林庾泉

道源

以他心竟能度對張子白其衷將直取又以臍射道  
成惡對子白志傳爾雅名一用經語一用史語亦工  
亦確

嘉慶元年正月人日同人射鵠子於浙江學署之

西園卽事聯句

虛亭開春首

西琴胡廷森

修竹挂日腳朋戩盍素心

白子

張若采

耦進踐清約揚觴酒已具

庚泉林道源

射鵠興可

託鵠鼓音微轉

中之程贊寧字今北音讀如

射鵠二時鼓

時射韻非

錯對棚借梅列

定甫江安

量步破苔薄西十北十符

里堂

焦循

左个右个作護胞藉之茅

伯元阮元

當箭懸以幕加

楅委髯奴

西琴

設侯用文鞬尺璧肉倍好

白子大泉輪

滿廓五花疊成圓

庚泉

兩儀換丸躍星緯各成天

中

月望不畱魄紅點嵌星星

定甫

白堊圍皜皜囫圖雜

元黃

里堂

紛披範青蘄堵者竹象爻

伯元

經之就爲索

敦弓我既張

西琴

鳴鐃匠復削志傳爾雅名

白子

臍射

道成惡混沌破七竅

庚

相攘出六鑿講譜法深穩

中之

湘圖封君年

編須人矍鑠

西琴先生年七

六十三

射法最深穩

編須人矍鑠

十八須長慮弦

拂編

飲決看誰先

甫

袒衣盍云各燥濕擬重輕

里

陰晴辨今昨恃力挽取強

伯

敢遠立反卻心摹

飛衛神

西

笑勝投壺樂竿將一一吹

子

淵遂深深

拓是謫者叱者

庚

亦翩若矯若吻厲驚飢癰

中

飛聽匪驚旁人不及瞬

甫

喝者或曰著叩鳴善於

問

里

響應真如諾投石散水暈

伯

擲彈碎花萼儼

絲貫於鍼

西

若鎖投以鑰其衷將直取

子

他心竟

能度虛中窺轂輾

庚

無極存匡郭或挈貳疊雙

中

或連參斷繳或四鍬井儀

定

或五兩綰落或觸植

顛墮

里

或維綱綰綽揚或隼出塵

伯

抑或蛇赴壑

止或陷區與

西

斜或拂枝格拙每成獨笑

子

巧翻

致衆愕既徹待獲旌

庚

乃飲無算爵功力相箴規

之得失互嘲謔雖藝近乎道

甫

此禮其猶醕當風

醒薄醒

里

臨池度曲徇餘情看洗馬

伯

畫者更盤

礪

西

琴

時周采巖爲

封君作洗馬圖

學署西園賓客所居有花木池館之勝下榻此地者

分韻擘牋殆無虛日有西園詩事圖

蘇州江補僧

錄

艮庭先生之子習浮圖家言長齋持

定香亭筆談

卷一

七

偁作字苟不合六書者不下筆也居西園者三年

武進臧在東

鏞堂

通儒玉林孫也受業於盧召弓學

上經史小學精審不苟殆過其師每歲除夕陳所讀書肅衣冠而拜之故又字曰拜經歲戊午居西園爲余理經籍餐詒事其弟禮堂學亦深持父喪白衣冠而處不與人見

元和李尚之

銳

錢辛楣宮詹高弟深於天文算術江

以南第一人也居西園爲余校李冶測圓海鏡推算立天元一細草

重刻測圓海鏡細草序

阮元

測圓海鏡何爲而作也所以發揮立天元一之術  
也算數之書九章尚已少廣著開方之法方程別  
正負之用立天元一者融會少廣方程而加精焉  
者也李敬齋自序稱老大以來得洞淵九容之說  
日夕玩繹而鄉之病我者使爆然落去而無遺餘  
蓋其精心孤詣積累數十年而後能神明變化無  
不如志若此洎乎明代算學衰歇顧箬溪應祥作  
測圓海鏡分類釋術測圓算術等書以立天元一  
無下手之處每章輒刪去細草而但演開帶從諸  
乘方法舍其本而求其末不知妄作之罪應祥實

無可辭焉

國朝梅文穆公肄業

蒙養齋親受

聖祖仁皇帝指示算法始悟西人所譯借根方卽古  
立天元一之術流入彼中者於所著赤水遺珍中  
論之甚悉於是立天元術又得章明文穆之功斯  
爲鉅矣其爲術也廣大精微無所不包大之而躔  
離度數小之而米鹽凌雜凡它術所能御者立天  
元皆能御之它術所不能御者立天元獨能御之  
自古天文家若元郭太史守敬所造授時術中法

號爲最密而其求周天弧度以三乘方取矢亦用  
立天元術載在授時術草者可覆而按則其爲用  
亦神矣哉以元論之又非獨如是已也今歐邏巴  
本輪均輪橢圓地動諸法其密合無以加矣原其  
推步之密由於測驗測驗既精濟以算術則有弧  
三角法所以算弧三角者則有八線表所以立八  
線表者則先求六等邊四等邊以至十四十八等  
邊其求十八等邊十四等邊二法則用益實減實  
歸除所謂益實減實歸除者究其實卽借根方借  
根方卽立天元一然則西法之精符天象獨冠古

今亦立天元術有以資之也試以是書所列一百七十問反覆研究考之於二千年以來相傳之五曹孫子諸經蓋無以逾其精深又證之以數萬里而外譯誤之同文算指諸編實不足擬其神妙而後知立天元者自古算家之祕術而海鏡者中土數學之寶書也惜流傳之本不可多得元視學浙江從文瀾閣四庫書中鈔得一本寧波教授丁君小雅杰又以所藏舊本見贈但通之者鮮因屬元和李君尚之銳算校一過其文字隱奧難曉及立術於率不通者李君又雜記數十條於書之上

下方蓋敬齋此書爲數百年絕學元知學友中惟  
尚之獨能明之其精通妙悟卽今之敬齋也且其  
所以發明古人之術闡繹

聖祖之言者爲功亦鉅矣哉歛縣鮑君以文

廷博請

以是書刊入知不足齋叢書第二十集卽以畀之  
及其刻成而爲之序如此

測圓海鏡跋

李銳

天元如積之學盛於元亡於明而復顯於

本朝梅文穆公赤水遺珍天元一卽借根方解發  
三百年來算學之蒙可謂有功矣惟立天元術相

消與借根方兩邊加減實有不同文穆於此似猶未達其旨蓋相消之法大略與方程直除相似但以右行對減左行或以左行對減右行故曰相消西人易爲加減雖得數不殊究不如古法之簡且易也浙江學使阮閣學雲臺先生學貫天人振興絕業以言立天元者莫詳於海鏡惜其流傳未廣將重付剞劂出所藏舊鈔本寄示命爲校勘爰依術布算訂其算式間有轉寫脫漏設數偶合處輒因管見所及是正其譌凡若干條極知固陋無補古人質之閣學幸垂誨焉

歛方湛崖

溥

能文工小楷嘉定張農聞

彥曾

辛楣先

生弟子經史算術詩畫篆隸靡不精妙吳江程竹厂

邦憲揚州程中之

贊和

皆工書能詩居西園二年

歸揚州懷西園四律

程贊和

一載名園住高枝許其棲不分牀上下小隔屋東  
西竹徑濃雲合蕉牕夜雨低歸來看屐齒猶有舊  
苔泥

碧沼新荷發香風透薄綃池清常浴鳥泉遠不通  
潮小閣玲瓏啟虛廊曲折遙還思集吟侶同過赤

闌橋

日午逡巡起無人爲報關偶偕棋客去常共睡僧

閒

謂補僧

倚樹墜涼葉開牕延遠山往時游賞處一

一畫圖間

良夜清如許吟儕興尚乘歌聲迴落月人語聚寒  
鐙此別路千里相思墨幾升何當重喚渡鴻跡儘  
堪憑

興化顧藕怡

仙根

詩境澄澹嘗至杭與余同游西湖

諸山歸時余贈以一絕云湖光山色上吟衣幾日閑  
游便欲歸歸去詩情定何許清晨登隴看雲飛

吳江郭頻伽

磨

以萬梅花擁一柴門圖屬題頻伽先

有水村圖吳江女士汪玉軫題之云深閨未識詩人  
宅昨夜分明夢水邨却與圖中渾不似萬梅花擁一  
柴門頻伽乃倩奚鐵生補圖余和前韻題之云香夢  
夜飛梅萬樹不知春水隔江村屬君細逐夢行處一  
路栽花直到門

元和蔣蔣山

徵蔚

治經史小學兼通象緯著述甚精

詩文才力雄富無所不有歲丙辰與余爲越東之游  
走筆爲甬東詩八首傳誦至海外有少游浙游諸集  
余爲總訂之曰經學齋詩並序之謂其研精覃思夢  
見孔鄭賈許時不失顏謝山水懷抱也

定菴集卷一  
蔣蔣山經學齋詩

題阮雲臺學使琅琊訪篆圖

琅琊山色青迤邐扶桑海水搖漣漪一臺特立頽  
殘碑先秦之刻今猶垂當時秦皇此登陟平沙萬  
騎堂堂馳從官再拜頌功德虎視六合無雄雌鐫  
銘泐石示不朽傳之二世方畢之臣斯擲筆就斧  
鑕臣高引鹿來堂堦望夷宮中忽荆棘千年此石  
荒山陞荒山野火幸不到不然亦如成山嶧山之  
采泰頂無孑遺吁嗟古刻在入世殘星落落如娥  
義岫嶺詰屈彊作僞天門巖暴無文辭此碑止存

八十有六字風吹日炙山鬼悲高臺三成石僵立  
海神禮月初專祠何時祠圯碑欲裂海雲昏黑埋  
蛟螭使君好古多風雅遣官曾到山之下披圖示  
我認須眉云是當年訪碑者訪碑剔洗松煤揩華  
黹漸吐雲烟開季深肉好變雄勁生馬控勒去復  
回珊瑚之枝紫芝萼翩翩鸞鳳充庭階我聞使君  
兩載按齊魯力按金石披蒿萊公孫呂戈破土得  
師曠墓畫出豕纔縋山入水力求索丁尊辛鬲羅  
胸懷當年賓從惜無我儻得親行手拓尤當佳官  
齋坐覺發光怪幘頭詩筆覃谿諧

阮雲臺閣學出所藏寶武印見示並屬作歌

井中玉璽奪月光銅盤折矣天蒼涼桓靈之際代  
更嬪無端一印關興亡蟲沙名姓紛無數龜紐至  
今猶左顧知是將軍一片心土花蝕損精靈護中  
官得志黨錮危大臣何用椒房私批鱗特俅黃門  
獄想見庭前解綬時筦霸雖休李杜死明年竟應  
童謠矣長樂初收北寺寒此印定然隨指使太白  
灼爍官門開刊章中變臣之苗五校旣散臣力竭  
大將軍敗非天哉漢家自此悲無奈轉眼雒陽城  
又破火氣銷將國運殘一十八朝彈指過煌煌手

鑄蛟螭文黝澤化作荒郊雲可憐不得此印力慟  
哭都亭授首人肘後藏來餘寸組棄置甘心埋故  
土漫隨壞鐵到人間恨不親鈐誅節甫摩挲陡覺  
雙眸明銀章流落難爲情小物千秋增感喟誰傳  
賣印是游平

過蓮花莊訪趙子昂故居

西風試問茗溪渡碧浪秋蘋零曉露風流不見趙  
王孫醉踏道場山下路荒烟千頃淨玻璃曾是王  
孫染翰時移家更卜湖西住門外殘荷鼓櫂遲道  
昇爲室雍爲子一門風雅真鍾美只餘隱恨感滄

桑司戶居然作承旨一聲白雁起風沙蕉萃秋江  
菡萏花蝦蟆更急三宮去國破王孫尚有家蒼松  
圍雪圍香葉月明元鶴淒涼泣王孫此際老無憐  
止向豪華誇事業詩情畫意自千秋粉謝香消水  
發漚老屋摧殘人代速空亭三十六鳬鷗只今訪  
古重停躅采蓮不唱當時曲桐孫雖在石無存洗  
出清波依舊綠水晶官畔月河邊身後王孫亦可  
憐一樣青門傳舊裔召陵猶劇種瓜田

團扇曲

湘雲掩素流華月秦娥小鳳驂金闕西風不到六

銖衣齊紬皎潔如霜雪裁作團欒空寄遠可惜相  
憐却相怨一夜哀蟬激玉階蘭房顚顚啼紅淺願  
君溝水常無波空遣庭樹彫涼柯君不見深恩如  
水羅衣薄已向尊前奏花落

謁王文成公祠

良知學始文成公左顏右孟相離容心齋語固出  
莊叟尼山一貫將毋同初歷曹郎見風節龍場謫  
豈吾道窮苗獠化導居非陋蠻貊行矣本在躬督  
師電掃淨橫澗寧藩南贛空言功爾時讒佞惑簪  
鼓九華宴坐君心通程朱正學公豈背後儒自作

長城攻鄉賢有派足興起公非於陸無折中白沙  
定山雜儒釋況公並未稱禪宗人生之蔽在無恥  
赤子心足開昏蒙廷杖旣開士習廢闔門奔走斯  
澆風公倡是學挽末俗狂瀾復障歸諸東試觀後  
來士習振三案與國持其終念臺清修世所尚系  
出公學追公蹤東林高顧亦私淑九死必不附進  
忠實學之效乃如此有明一代昭發矇我過公里  
謁祠宇真才名世豐趺隆龍谿德洪皆嫡嗣猖狂  
止一顏山農大書壁間止公謗在天正氣如長虹

秋夜

初月在簾鉤清輝似水流秋風與秋露和月作新  
愁秋露下河漢秋風涼女牛若爲傳此意西北是  
高樓

甬東詠古八首

螳鬬紛紛浪自誇至今舊俗尚繁華空畱君子六  
千戶猶記甬句三百家海外風濤多島嶼夢中軍  
士半蟲沙夫差瞑目無疆滅又見東甌走傳車  
回浦章安劇變遷孤城築後少烽烟誰云陽朔更  
州治不信孫恩號水仙漢代尚傳南部遠晉家失  
計一隅偏三江口外頻防禦故轍齊梁豈偶然

改郡開皇自不同恩恩唐室廢興中幸看巨寇干  
戈戢得見遺氓賈賧通浹口森嚴安巨鎮鄞江守  
護詫奇功千年府治從茲定奏藁分明憶薛戎  
武肅英風拓土疆鎮名底事自朱梁丸泥獨力支  
磐鼎鐵弩餘雄及大洋航海建炎心瀕洞關心德  
佑事興亡東錢湖畔增惆悵史相顏祠尚夕陽  
鋌險黃巖起國珍醢徒何意有經綸十年竊據分  
諸縣一道降師散浹旬金盞山深狼露靜石蟬門  
黯海舟淪可憐血戰慚吳楚枉受元封負此身  
信國舟防老將才三時分哨令嚴哉何期中葉經

倭入復見南塘備海來烽影礁生螺髻嶺礮聲潮  
湧碇江臺舟山本自稱天險鎖鑰無端爲寇開  
招寶巖前番舶過蛟門控扼竟如何七場嵯窳新  
丁盛四所軍營舊衛多海月江珧齊入市浹湖甬  
浦盡通波居人指點靈山岸一髻烟中見普陀  
蛟宮蜃市出危樓千里驚潮一郡收風挾剛威來  
颶母山盤遠勢自台州天封塔古唐碑廢阿育王  
空梵迹畱此地海東門戶重壯懷不僅爲清游

蔣山年甫冠弱不勝衣而學問淵博未可輕測兄事  
余余贈以詩云君年纔可著儒冠眼底何書不盡看

平子算章通象緯少陵詩律老波瀾耳如能聽尤當  
慧我竟爲兄大是難喜得談經開左席官齋行舫共  
春寒蔣山重聽故五句及之

蔣山以治耳聾食符久之無驗余嘲以詩云君是最  
智者毋爲智者愚豈真特健藥恐是詭癡符

蔣山兄于野弟希甫皆能詩幾於王謝家子弟

人人有集矣人稱三蔣

丙辰春余與林庾泉道源蔣蔣山徵蔚同至甬上以

春夜江上聞角聯句余有句云南國春情多在夢古  
人心事重防秋庾泉極賞之

春夜江上聞角聯句

一江花月換邊愁

此鉛山蔣修隅知廉句也頓覺春夜偶談及此共補成之

蒼茫滿客舟

庚泉

南國春情多在夢古人心事重

防秋

雲臺

詩中我已驚吹鬢

庚泉

城上誰能獨倚

樓半夜潮生風獵獵

蔣山

壯懷銷盡爲清游

庚泉

松江楊笏山

之灝

與蓉裳荔裳爲昆弟笏山與蓉裳

同守伏羌圍城時曾親射殺一賊荔裳從征廓爾喀

今又襄苗疆軍事皆近日文人所罕見者笏山工詩

詞尤清豔余贈詩云楊氏毘陵號二裳笏山更足號

三楊一家詩事兼戎事共織弓衣入戰場

嘉定錢可廬

大昭

辛楣宮詹之弟也著作等身嘗助

余山左浙江兩地校士之役可廬注廣雅有蕉隱注雅圖余題之云蕉之爲物雅所無稚讓所學在漢書列傳嘗解馬相如埤蒼傳至曹江都選學須問曹公徒試注子虛之巴苴案芭蕉始見於上林賦於古無聞說文蕉字卽樵採之樵列子以蕉覆鹿卽所樵之草木非芭蕉也

武進陸邵聞

耀道

詩才清拔非唐人不道隻字詞更

清空婉約劇似宋人其季父祁生

繼輅

詩筆超妙於

太白清放側豔之處兩得之人稱二陸

石門吳會尹余易其名曰曾貫能五言長律時修表  
忠觀新落成命之賦詩曾貫用八庚全韻爲五排不  
遺一字於工穩中時露神韻余稱之曰吳八庚嘗贈  
以句云秦家五字劇縱橫曾出偏師陷長卿寄語蘇  
州漫相許語兒還有小長城仁和周雲熾亦有百韻  
詩

試杭州時新製團扇適成紈素畫筆頗極雅麗嘗以  
仿宋畫院製團扇命題詩佳者許以扇贈錢塘陳雲  
伯文杰詩最佳卽以扇與之人稱爲陳團扇杭州向  
無團扇因是盛行焉

仿宋畫院製團扇

陳文杰

江南三月春風歇  
櫻桃花底鶯聲滑  
合歡團扇翦輕紈  
分明採得天邊月  
南渡丹青待詔多  
傳聞舊譜出宣和  
入懷休說班姬怨  
羞見曾憐晉女歌  
班姬晉女今何有  
攜來合付纖纖手  
闌前撲蝶影香遲  
花間障而徘徊久  
樓臺花鳥院中春  
馬畫楊題竟通真  
歌得合歡詞一曲  
祇應畱贈合歡人

翁名濂

春深羅綺裁宮中  
鶴翎鸞羽承雕櫳  
霓裳三疊織圓月  
玉階一夕迴輕風  
蘭膏鬢髮嬌初起  
簾捲碧

陰涼似水粧成匣底對菱花衫趁風前飄杏子當年院體學宣和畫狀元稱沒骨多花鳥寫生工宛轉雲烟過眼任摩挲馬遠圖中畱一角彷彿徐黃慣雕琢添得楊家妹子詩六宮粉黛爭相握今番畫本是誰傳翦出圓規儼昔年憐他袖底團團影不逐秋風成棄捐

陳甫

南宋冰紈北宋遺草蟲沒骨花折枝澄光綴綴出機素玲瓏畫月秋遺規漢宮春深已無色霞綃霧縠風烟蝕宣和沿及渡江來待詔諸公有遺式當

日河陽擅寫生馬家一角筆尤精紅梅貌出宮統  
豔畱得楊家妹子名舊跡收藏藥特健半是明宮  
半元汴檀栢筠邊仿製工春羅重翦團圓面當年  
障面是何人今日臨風更寫真一輪擎出懷中月  
還是錢塘舊日春

趙振盈

團扇復團扇冰絲織就鴛溪絹製出團團明月形  
巧式由來傳畫院當時宮樣剪裁新圖成滿面江  
南春紹興祇候知多少可似宣和待詔人今番學  
得當年樣花卉翎毛各殊狀金碧樓臺寶鏡中綺

羅人物冰輪上動搖懷袖生微涼纖雲一片凝清  
光秋氣不生長信殿春風好入奉華堂欲倩良工  
製一握漫遣芳姿歌捉搦但畫長安漢苑春不畫  
殘山馬一角

杭州諸生之詩當以陳雲伯

文杰

爲第一其才力有

餘於詩之外故能人所不能其詩舒和雅健自然名  
貴於七言歌行尤得初唐風範同時能詩者有陳曼  
生鴻壽其才略亞於雲伯而峭拔秀逸過之陳瀛芝

甫又亞於曼生余嘗稱爲武林三陳雲伯弟文湛亦  
能詩曼生弟穀曾善屬文

陳雲伯綠鳳樓詩

鐵笛

梅根飛出仙雲黑不鑄鐵簫鑄鐵笛元冰一握朱  
脣寒青天吹作芙蓉色螺文百結螺花鋪秋星歷  
歷排明珠昆吾夜斷瘦蛟脊誰與作者來南圖

上笛

款我聞中郎舊截柯亭竹寧王醉弄唐宮玉秦庫  
昭華不可尋唐家玳瑁今誰屬尺八何如鐵鑄成  
水仙夜舞雌鳳鳴江城楊柳不堪折倚樓愁聽關  
山聲草堂夜雨開金粟淚痕洗盡湘江綠鐵厓曾  
賦冶師行玉山誰奏花游曲八月秋風下洞庭魚

龍夜伏暮山青鐵心譜出梅花弄吹與羣仙月下聽

琅嬛仙館所藏漢李廣銅印歌

嗚呼飛將軍數奇不封侯結髮大小七十戰惟餘  
一印千秋畱將軍起家良家子得士能令士心死  
無雙才氣泣公孫刁斗行軍安足比雁門秋老生  
邊塵將軍此印應隨身篆文劃斷瀚海雪虹光透  
出天山雲紅沫稜稜土花暈定爲將兵作符信  
謝罪曾鈴幕府書酬功誰授梁王印我思漢文恭  
儉稱賢主禁中頗牧思良輔賈生不相廣不封縱

遇高皇亦何補又聞武帝恢雄圖丁零鄯善開邊  
隅但以私親封衛霍不使名將當單于老去藍田  
甘棄置東道行師復何意一代威名右北平但留  
虎鈕旁邊字銅花不覺摩挲久當年曾綰英雄手  
志士成功自古難庸夫獲福從來有君不見李蔡  
爲人居下中肘後黃金大如斗

月夜海上觀潮

雙疊夜靜風蕭蕭日潮不足觀夜潮明月照海海  
水白碧雲捲盡青天高漏聲初起潮未起夜色沈  
沈越山紫萬里滄溟靜不波一片空明接天水須

史戰鼓轟如雷潮聲已逐風聲來玻璃世界忽破  
碎水底湧出金銀臺百道銀河向空立是水是月  
迴難別娥輪照影魚龍飛雪浪濺空星斗溼靈胥  
白馬驂翺翔頃刻應已臨錢唐寒潮湧月月不去  
依然雲盡天青蒼歸來小臥劇清曠花影如潮滿  
秋帳鄉夢驚迴夜不眠尚有餘聲來枕上

夢游羅浮吟

仙鬟雙立天風迴海濤捲雪羅浮開瘦蛟吟月癡  
龍蒼白雲一抹羅浮合羅浮之山四百峯峯峯亂  
插青芙蓉溼翠滿衣風浩浩夢中識是羅浮道冷

雲臥地枝橫斜月明光照千梅花梅花如雪月如影美人翩翩衣袂冷霓裳淡襯仙雲嬌倚樹爲我吹瓊簫瓊簫一曲聲嗚咽滿地紛紛落香雪酌我酒贈我花雲中遙指仙人家醉邀胡蝶爲我舞流珠簌簌月當午一聲長嘯歸去來側身東望思蓬萊四面花光暗成霧月中不辨來時路

漢宮詞

九雛釵壓雙鬟重紫雲帳掩流蘇夢漢家火德正靈長連臂深宮歌赤鳳宜主纖細合德香帝子甘老溫柔鄉碧唾初染石華袖朱唇小點傭來粧年

年相見張公子倉琅燕啄王孫矢白頭博士淖方  
成已向披香悲禍水長信宮中秋復春合歡團扇  
舊承恩捲簾悵望昭陽月誰省當年却輦人

齊宮詞

趙鬼西京工讀賦玉壽芳華起無數夜夜風搖九  
子鈴玉兒穩踏蓮花步一雙寶釧摩紅肌重樓新  
換青琉璃寶孫別喚王侯子阿兄更有梅蟲兒玳  
瑁帖箭銀鏤弩射雉歸來還捕鼠雉頭鶴氅白鷺  
縵早有吳儂憐貨主三橋鳳度長圍長練兒已軍  
朱雀航寶卷尚作女兒臥飛仙帳底春夢涼建康

龍門激淮水太息崔陳枉如此鳳輦無端迎蔣侯  
虎賁有敕停荆子雲龍門外虎幡揮閱武堂前舊  
市非玉笙鈿笛吹花落楊柳年年作雪飛

隋宮詞

大業垂楊初賜姓迷樓面面宮腰凭錦帆行樂不  
思歸零落故宮仁壽鏡三千殿脚扶龍舟香風吹  
暖長淮流寒螢影奪二分月景華夜照仙人游十  
斛甲煎鎖香靄院院花枝紛作隊紅迎鳳輦寶兒  
花綠寫蛾眉絳仙黛長星勸汝酒一杯李花已逐  
楊花開麗華含睇歌玉樹紅梁未醒吳公臺瓊花

歸去春魂蹙金合同心葬寒綠十年歌舞劇繁華  
空畱南部烟花錄紫泉宮殿冷棲鴉曾是當年帝  
子家太息阿麼墳畔草年年青到玉勾斜

贈吳丈澹川

文溥

馬首秦關雪樓船大海風平生奇絕處都在一編  
中草檄驚戎幕橫刀揖上公歸來何所適湘漢待  
征篷

烏棲曲

美人進酒雙玉壺燭花豔照紅氍毹銀河珊珊珠  
斗小老烏一聲天下曉

分香亭筆詞 卷一  
蟲聲唧唧鳴東壁迴文小字當牕織銅龍夜轉雙  
蛾低欲棲不棲烏夜啼

春暮

樓閣半斜暉開簾待燕歸落紅飄畫扇新綠上春  
衣竹露和烟滴楊花貼水飛靜中忽聞響梅子墮  
堦肥

餞春和吳蘭雪

嵩梁

卽送旋里

聽鶯時節正天涯自酌清泉餞落花每到春深如  
送別況逢客裏是浮家耆卿小調歌楊柳謝傅閒  
情感琵琶我亦新愁消未得凭闌每到綠陰斜

秋夜

木葉西風正怒號  
雁聲流響落寒濤  
匣中夜夜秋鯨吼  
笑看月明橫寶刀

京口

江流萬里海天長  
門戶金焦鎖建康  
北去雲帆通楚越  
南來戰壘賸齊梁  
重重樹色開秋霽  
袞袞潮聲走夕陽  
獨倚蓬牕醉杯酒  
隔江燈火認維揚

邗江

邗江流水學羅裙  
歌吹聲遙不可聞  
山色綠沈禪智寺  
草心紅上阿婆墳  
蕪城鴉散春堤雪  
隋苑螢

飛日暮雲莫向珠簾問消息年年愁煞杜司勳

康山懷古

檀槽翠袖佐金樽絕代風流此狀元七子詩壇畱  
片席二分明月弔詩魂已拚姓氏酬知己尚有名  
山當子孫三百年來訪遺宅琵琶聲斷畫樓存

塞下曲

長城萬里接陰山老戍荒邊未許還倦枕觸牀眠  
不醒夢魂飛度玉門關

百戰威名百戰身年年戰血洗邊塵封侯畫像尋  
常事生縛樓蘭最快人

陳曼生種榆仙館詩

遊道場山

家居傍湖山春和愜遐賞半年殢吳興奇勝阻孤  
往命儔峴山麓舍船逐林莽近畦俯葱鬱遠翳挹  
涼爽石亂泉響競篠密炊烟上疎紅補女蘿瘦雲  
削仙掌其勢折而北羣附獨雄長拾級轉漸南絕  
頂露平敞塔鈴瘖不聲天風落虛幌衆鳥起舊枝  
一磬度清響碧湖渺杯水煙翠撥雙漿此時塵慮  
空昔遊固可仿頗聞孫太初茲山結霞想  
方干舊詩侶近苦纏病魔淪茗資沁脾神旺欲薦

瘥希眞動狂態休文流高歌天氣黯將夕猶復捫  
煙蘿始知素心侶形迹無偏頗新綠媚晴嶂恍惚  
逢雙娥低頭暈霞頰如此花光何相憐更相照顏  
色愁春波

渡揚子江

落日銜霞上柁樓大江煙水赴鄉愁風兼鸛鶴盤  
雲度浪蹴蒹葭帶岸流吳楚橫分瓜步月金焦直  
送秣陵秋牙檣錦纜紛如織可羨忘機自在鷗  
訪吳丈澹川東津溪舍

長嘯華山頂吟詩滄海秋步兵餘白眼從事有青

州草長柴門遠花開野水流相看不知老爛醉更何求

夢遊羅浮吟爲雲伯弟作

羅浮四百三十有二峯峯峯落月香芙蓉芙蓉欲  
殘冷紅瘦礪底盤雲澀苔繡梅花如雪一萬株花  
酣月大來仙姝羅裙豔妒五色蝶蝶夢如烟罨花  
靨青鸞舞采喚不醒玉簫一闋愁娉婷月姊偷窺  
動銀押花奴解事防金鈴碧海橫影玉龍含腥滕  
六脾睨吹鵝翎虛空擊碎琉璃瓶寒氣慄慄不可  
以久處仙之人兮向我語斯是朱明曜眞之天上

接清虛廣寒府試逐輕颺整鶴膝夜深同按霓裳  
譜

湖州郡齋壁間管夫人畫鶴

叢篁拂青霄新雨沐翠痕傳神到閨闈搖筆溪煙  
昏餘工畫飛奴雜沓幕上翻其數且累百厥徒乃  
實繁斂神遂生物侔彼造化恩啄息無所求羅網  
安足論嘉名溯官齋薌澤異代存琉璃嵌作籠目  
眩手重捫隱約睖四頭意態翔遊鷗比翼露神俊  
靈予自吐吞不受塔鈴怖詎佐人日殮驚詫飽眼  
福賓客戒勿喧碑版盡埋沒墨妙輪淑媛紅羊換

塵劫底用哀王孫

白蓮花

縞衣仙人顏如花  
凌波緩步飛素霞  
明璫翠羽豔  
冰雪闌干十二馳  
香車吹香不散墮  
入水縠紋冷  
浸銀蟾死香月團  
團結淨因瓊枝綽  
約瑤池起瑤  
池隔斷水晶簾  
一片空濛夜氣嚴  
祇覺月華添  
皛皎教誰香味挹  
虛恬無情有恨離  
離重天未相思  
誰與共記得南山  
第一橋鐵簫聲破  
閒鷗夢湖頭  
女兒打漿迎折花  
欲贈珠淚傾嬌紅  
未乞鄰家種  
荷葉荷花空復情  
花枝低鞦催吟急  
鉛華洗盡春

痕溼一羣翠羽背人飛十隊霓裳向風立花如彼  
姝姝不如容華絕代讓芙蓉晚涼池館碧雲合醉  
倒花魂月魄初

題朱丈吟陔齋壁

蕭蕭雨三个不減萬簫管疊石臥清影開簾受細  
香雨絲寒酒盞花片豔琴囊遲我十年到春橋舊  
草堂

題錢恬齋

呂齡

所藏王元章萬玉圖

嬾迂十萬圖夷門詫奇絕就中霏古香萬樹橫溪  
雪雪消溪流清月落霜華綴照見冰玉姿點點同

心結初奇煮石農但寫聲騷屑空色窮形相麤丸  
著靈潔疎密間橫斜規直復矩洩一枝十丈強一  
瓣波三折滿幅盪春光餘景不一設我昔蘊槎枒  
畫理商老鐵

奚岡

腕底苦不運說者輒宛舌回谿

草堂開茶瓜供小榻先澤富貽畱行行標鑒別茲  
圖五百年豈受六丁掣收藏歷三世縑素未磨滅  
奇奧究造化題句破禪悅開拓萬古胸過眼白雲  
曳圓類珠走盤勁擬筋入節萬玉誰瑕疵瑤階寸  
肪截始知宗伯畫

蔣石先生

胚胎授神剡文孫幼穎悟

含飴聆緒說弄筆塵俗捐清芬久掇擷小鶴

丁子

復真詩豪發唱走煩熱戛玉必萬響我遇氣先竭  
主人繼其聲雜沓促報決書來誇飛仙那許閱寒  
劣羅浮夢綿邈西溪筵幽咽何如招吟筇鄧尉探  
芳冽衝煙踏瓊瑤臨風振囊薛相遇無極翁共扣  
長生訣

敝裘二首

一裘三十載檢點劇生憐尚爲嚴寒禦難同敗絮  
捐感如新白髮雅稱舊青氈阿母曾縫紉相看淚  
涌泉

故交吾與汝歲晚不勝情榮蹇江南夢投竿富渚

盟清貧人跌宕奇暖酒縱橫俗眼空皮相披襟爲  
不平

題畫

萬縷千條織晚春溪煙如夢月如塵扁舟只送落  
花去行盡江南不見人

雪夢圖

冷香壓夢夢不飛夜深月上梅花肥花魂幻出翠  
眉嫵雪色翻亂紅綃衣梨雲漠漠不識路縹緲羅  
浮憶前度瘦影難教倩女支明妝欲奪姮娥素珊  
珊却下疑無蹤雪膚花貌參差逢緩步筠廊情宛

轉忍寒紙帳語惺忪夢中天地同長久夢醒年華  
總孤負一聲玉簫起高樓飛花如雪空搔首人生  
難忘是仙緣蟾鏡分明夜夜圓雪霽花明江上路  
春歸夢到渡頭船

塞下曲

白骨青燐瀚海頭琵琶一曲起邊愁眼前滴盡征  
人淚併作黃河地底流

弓彎霹靂射天狐驚落雙鵬萬衆呼好語將軍休  
見妒凌煙容得幾人圖

桃花馬上雪花殷飛過崑崙第幾山回首江南好

明月祇應夜夜夢中還

湖上餞春同吳蘭雪郭頻伽何夢華

一雨失春紅衆山如夢中不知芳草路綠遍畫樓  
東別意黯湖水吟牋擘晚風歸雲近南浦底事太  
怱怱

解后得良友春殘酒不辭人兼色香味船載畫書  
詩孤岸晚花瘦暮溪新燕遲小園畱一宿梅子解  
相思

葛嶺

明月香風十二樓平章湖上恣清遊半閒未許神

仙占後樂寧知將士憂蟋蟀聲驕蘋草捷鬼車啼  
斷木棉秋福華編就看如夢流水桃花爲爾愁

文橋小園

平江足煙水送客渺愁予復爾賦高會可當讀吳  
書冷花晴蝶外秋草夜蟲餘此月照今古勿憂雙  
鬢疎

湖樓夜集

風水搏不起悄然雙白鷗流雲過高樹銜月上層  
樓落葉遙山夢鳴榔隔浦秋胡爲殢遊興閒繫木  
蘭舟

陳瀛芝薺香閣詩

泛河渚觀蘆花宿秋雪莽

沙河繞郭縈彎環回頭尚見臯亭山延緣數里棹  
百轉只在白水明沙間秋光蕭爽秋水窄秋林渡  
頭楓葉赤一灣一曲路乍無劃然開出連天碧夕  
陽欲落風蕭蕭白鷗浩蕩秋心遙幾度吳霜清雁  
路催成秋雪滿江臯昨夜秋聲吹淅瀝萬疊飛花  
入蘆荻棲鴻驚作雁門看叫殘冷月無顏色棹波  
人影如剡溪雪花一片迎人飛又疑臥游香雪海  
千樹萬樹光迷離一庵綠流花四面面面花深庵

不見人間六出未成花老僧八月先知霰此中風景武陵源春到桃溪水有痕  
嶰舍漁汀疑斷港煙光鳥影又前村霞梢一抹鐘催暮棹入漁郎棹歌處若教寫作水村圖天邊只少遙峯露

宿萬松嶺聞松濤

高城百疊盤連岡湖光江色長蒼蒼重門一徑入空翠此下舊是松門坊我來三月暮桃柳餘春芳日落不落半江黑月升未升千林黃忽聞聲自天半來四座不語驚且僵疾如鐵騎奔天間風雨雷電隨飛揚又如洞庭廣樂張湘君鼓瑟聲琅琅伍

子之山肯毋場意中水天河微茫開門尋聲不可  
見但見江鶴水鶴飛迴翔須臾海門匹練起銀山  
雪浪相撐搪松頂明月森光芒上開諸天下龍堂  
奇相弄珠冰夷調簫瘦蛟驅海鼉成梁戈戟復振  
摩雷碾松影滿地秋心涼夢遊恍惚驂飛凰

送人之虔州

鬱孤臺下碧連天曾泛崎城下瀨船貢水東來灘  
八百庾雲南接路三千故關鎖鑰山程雨暮客帆  
檣水郭煙暇日榕陰凭遠目諸公吳語憶當年

謂古

巢昆  
仲

紅豆

山薑子老木棉飛點點殘紅秋樹垂珠海有林皆  
作紺珊人無淚亦凝脂西風幾度勞纖手隔幔誰  
家唱監詞多事門前見梧子一般零落動相思

西湖采蓮曲

湖山湖水空濛裏一角曉涼三十里鴛鴦好夢沙  
際圓猶有採香人未起宿煙半翦開湖雲菱花菱  
葉秋鏡分歌聲彷彿湖東去雙槳含情兩回顧可  
憐斷絲徹底柔可憐苦心常悠悠昨夜涼堂月如  
水參差一聲出簾底三更畫船風露多花光人影

紛婆娑回頭不見玲瓏月一堆蒼煙浸遙碧曉蟬  
聲出柳毵毵次第輕風花氣酣喚醒湖頭涼夢足  
隔堤猶唱好江南

雲伯自言近體詩抒寫性靈不及仁和龔素山應嘗

誦其佳句如送弟云貧賤始教身作客文章終望爾  
成名寄友云年壯漸悲分手易家貧纔覺讀書難畱  
別云人生知己多岐路客子歸心入暮秋客中除夕  
云殘歲來朝成過客故園今夕亦天涯謝人招看桃  
花云我緣漁父曾迷棹說著桃花便轉頭又云重來  
祇恐花惆悵依舊劉郎未得仙皆極纏綿悱惻之致

又夜從花影轉秋帶樹聲聽十字殊妙

素山詩亦有極幽豔跌宕者曼生復爲誦其不寐句  
云胡蝶夢醒花得月蝦蟆更斷雨兼潮西溪云明月  
白諸嶂梅花香一溪夜坐云花影入秋方有韻竹聲  
如雨不生愁焦山梅花云花開太古雪香入大江潮  
棲霞云松根分石瘦山勢抱江圓胡蝶云影畱芳草  
不知瘦夢入落花惟有香旅懷云孤館秋聲皆入耳  
高樓月色有同心

頻伽纏絲悱惻人也詩文皆極幽秀生峭之致詞尤  
雋永謝蘊山方伯謂與蘭雪相伯仲居西園者月餘

郭頻伽靈芬館詩

九日鳳皇山登高作

朝暉欲上浮雲走好事天公作重九青山入夢呼  
起來萬朶芙蓉一招手客中節物尤可憐坐窗不  
遂何其慎故人導我九節杖上挂三百青銅錢前  
時意行不知路只向萬山深處去今朝有說須登  
高已輕列岫同兒曹舍舟不覺遠徑指南山南雲  
中鳳皇翩欲下鞭笞鸞鶴飛相參慈雲之嶺據其  
腹四角方亭一峰獨其上十八盤一盤路一曲前  
者回頭攬善願後者僂行鶴俛啄一盤一盤行不

止一峰一峰來脚底忽然望眼開其頂乃如砥平  
原淺草五百弓海色江聲一千里烏虜世間萬事  
不到絕頂安得奇半途而止長已矣排衙石古作  
人立石色蒼然如積鐵披蘿帶荔山之阿疑是陰  
厓鬼神入當時南渡何匆匆萬里不見龍媒通君  
王好武仍好色教戰無乃同吳宮冬青樹老鳥呼  
風嚴霜初上秋林紅寒鴉落葉紛紛而來下白日  
忽墮蒼煙中起尋別徑行緩緩有竹僧房門可款  
歸去方知腰腳疲悲來祇覺登臨嬾我生三十一  
重陽多在他鄉少故鄉故人歸計明年遂相約攜

壺問上方

莫釐峯望太湖作

一峯明一峯七十二芙蓉遠水欲浮去暮煙相與  
濃斜陽糝金碧人影亂魚龍便擬移家具因之買  
釣蓬

雨中放舟

晴卽登山雨放舟看山冒雨坐船頭可憐樵子不  
知滑脚下白雲如水流

西湖餞春偕吳蘭雪陳曼生何夢華

湖頭誰浣紗湖面明朝霞良友忽相見暮春初落

定香亭筆談

卷一

七

花船如天上坐人以水爲家

蘭雪襖被舟中已三日矣

及此渺

然去我生安有涯

雨過

浴罷新涼透葛輕隔簾時墮溼流螢微雲不道天  
空闊愛向銀河疎處行

蘭雪出近作相示卽書其端送歸西江

閉戶何年著此身天涯風雨感茲辰出爲小草能  
如我夢有名山肯待人應俗文章游子淚及時鰕  
菜異鄉春憑君早晚匡廬住海內相望亦比隣

觀潮

秋風不肯自作氣却遣江潮助聲勢羣山相顧爲  
斂容子胥文種後先至八月十八聞尤雄月魄消  
長與渠通螺螄門外沙岸廣林林衆影如沙蟲老  
鼉窟中自打鼓殷殷薄雷催作雨天山萬馬夜合  
圍緣邊四郡色如土一痕微白一綫長鱗眼試作  
初熟湯玉繩轉斗河漢澹電影劃破琉璃光小舸  
鳧雁波中翔若進若退低復昂屏息以待帆不動  
斗然遇之如蹶張兩岸聚觀數千指鼻息不聞面  
灰死呼吸深愁立不牢脚底饒鯨白齒齒我從去  
秋發興狂所見不逮一豪芒豈知壯觀得今日海

若有意相誇張天公何惜萬金藥重起枚叔出奇  
作我無筆力挽萬牛歸對秋鐙坐孤酌

湖上雜詩

油壁車輕緩不妨暮煙澹澹水生光雷峯一塔頽  
唐甚只替游人管夕陽

一湖純浸四山陰萬鼓鏗敲日照林尚有數峯晴  
不得又吹飛雨過湖心

頻伽詩佳句如友人過訪云故人舊約梅花記遠客  
歸心小草知卽事云月與梧桐尋舊約秋將蟋蟀作  
先聲仰蘇樓云樹搖殘滴有時響雲與暮煙相間生

小集云滿眼青山秋士老打頭黃葉酒人來謝人餉  
梅花水仙云詩人冰雪陳無已寒女神仙謝自然西  
湖春感云湖山跌宕朝廷小花月平章蟋蟀秋二月  
落花如夢短一湖新水比愁多偶成云山低風急兼  
疑雨夢醒月明如有人夜發云水當殘夜自然白我  
與露蟲同此涼夜聞潮聲云吹水魚龍秋有力側身  
江海夜初長述昏云卻月橫雲張遇墨宜男長壽阮  
修錢皆吸露餐霞不食人間烟火者

吳蘭雪

嵩梁

江西東鄉人余於邗上題襟集中讀其

詩欽爲才士戊午春蘭雪來游湖上襍被宿湖舫十

日值春暮與江浙詩人賦詩餞春打槳而去

吳蘭雪香蘇山館詩

秦良玉錦袍歌

五花戰馬千金戟馬上紅粧能殺賊健兒羅拜秦  
將軍氣蓋西川貌傾國平臺召見詩寵行天子臨  
軒賜顏色官錦歸來換戰袍鑲金錯繡皆天澤崇  
禎之季軍政荒本兵獨倚楊嗣昌盡驅流賊入巴  
蜀斬刈黔首如牛羊白桿縱橫三十萬將軍盡室  
來酣戰旌旗五色陣雲高帳下女兒亦驍悍烽火  
連天笳震地殺賊逾多氣逾厲賊中望見錦袍來

百萬瑯戈同日棄雪花如席天漫漫錦袍雖暖邊  
風酸寄衣一千五百襲將軍愛士同飢寒張令軍  
前鼓聲死本兵不恤將軍恥嘲兵二萬請分廩妾  
家甘爲朝廷毀巡按巡撫嗟何人劉之勃與邵捷  
春按圖扼要十三處奇策不用徒因循此時錦袍  
慘無色半污蠻血沾征塵沙場百戰蛾眉老畫像  
敢望登麒麟成都一破金甌裂石柱孤城堅似鐵  
巾幗蒙恩四十年耿耿丹心照邊月美人名將兼  
純忠天以壽考酬其功左家良玉媿且死晚節一  
敗非英雄思陵身殉福王走南渡衣冠復何有六

宮紈綺燒成灰秦家錦袍猶世守海內承平二百  
年岷山劍閣無烽烟匹婦何敢奮螳臂窮寇乃與  
相鉤連計日王師大斬獲擲汝鼎鑊供炮煎攻  
心有術當革面內地戢亂殊籌邊宣恩一檄定感  
泣各習井臼投戈鋌請爲將軍崇廟祀祠官奉職  
春秋虔忠義所昭魑魅化一矢不用三軍旋錦袍  
樂府蠻女唱弓衣合繡都官篇

螭磯靈澤夫人祠

虛堂劍珮晝無聲門外青山遠黛橫宮女如花猶  
列陣洞房燒燭記論兵銷魂萬古黃陵廟遺恨三

分白帝城比似湘靈心更苦寒江嗚咽暗潮生  
舟中自訂癸丑甲寅詩卷述懷

燕市蹉跎百感侵歡場未散已沾襟吹笙易醒游  
仙夢擊筑難銷壯士心海氣青蒼連碣石岱雲浩  
蕩接淮陰支離病鶴籠初放隻影江湖瘦不禁

盛名何敢匹鄒枚一代公卿盡愛才幕府高秋張  
譙出元戎小隊送詩來座中跌宕揮金戟花裏沈  
酣倒玉杯午夜軍門猶未掩記從湖上櫂歌回

平生襟抱托青霞鳳泊鸞飄亦可嗟十載論文交  
海內羣公傾蓋慰天涯放翁團扇幕詩社賀監金

龜擲酒家曾許俊游陪杖履山陰夜雪鏡湖花  
石溪春暖燕南飛誰誦新篇入翠帷五色繡絲傳  
唱滿千金賦價倦游歸盧儲知己推紅袖羅隱逢  
人問白衣辜負瘦吟樓上句才兼仙佛古來稀  
建業姑蘓又廣陵當筵綵筆最飛騰樓臺春晚頻  
移棹絲管宵闌獨翦燈年少風懷花正綺天寒離  
緒酒初冰誰知縱飲酣歌地中有唐衢淚數升  
寶幄鈿車白玉驄瓊花璧月錦帆風山橫北固斜  
陽裏寺在南朝細雨中越水浣沙誰絕艷吳門乞  
食有英雄登臨莫抱千秋感身世茫茫亦斷蓬

富春江色釣臺邊  
朵朵芙蓉浸碧蓮  
素鯉上竿鱗未損  
紅粧照水影都妍  
經過雲樹俱無恙  
我與溪山最有緣  
二十四鷗相識久  
往來不避載書船

屐印衫痕翠未消  
湖山入望又迢迢  
西泠花信遲三載  
南渡風流訪六橋  
疊雪樓頭天漠漠  
湧金門外柳蕭蕭  
錦袍鐵弩今安在  
請爲錢王賦射潮

江寧孫蓮水韶工詩師事隨園絕有家法嘗佐余校  
士山左倡酬頗多別後寄其春雨樓詩見示佳句如  
西溪草堂云綠水紅桃雙畫漿斜風細雨一青蕪聞  
鶯云圓到十分同調少訴來三月別愁多銅陵江夜

行云天空疑化水燈遠欲沈江上畢秋帆尚書云名  
世文章軼燕許狀元風度陋蕭曹揚州云紅蓮雨歇  
秋燈亂白紵衣涼小調新贈王夢樓太守云風雨驅  
馳一枝筆江山歌舞兩船花望九華山云殘雨吹風  
斷遙青渡水來泊彭湖大姑塘云多情月每隨歸棹  
再到山如檢舊詩永濟寺云江光搖佛面石色上僧  
衣樓名春雨者蓮水有春雨詩最爲隨園所賞故也  
余見隨園詩弟子當以蓮水爲第一

孫蓮水春雨樓詩

寄懷蔣藕船吳蘭雪

雨過月如洗天涯渺素心琴聲滿庭雪花影半牀  
陰春夢風前短江雲別後深何時理歸棹邛上其  
題襟

春雨

當牕不斷雨絲斜引得苔痕上碧紗入夜最宜新  
種竹捲簾可惜早開花誰家破竈燒寒葦一路香  
泥殢鈿車應有綠蕪田外長教人無夢不天涯  
無限關河兩鬢絲潺潺偏值冶春時寒侵幽夢重  
衾覺水長平湖畫舫知芳草色濃迷路遠啼鴛心  
倦出花遲只愁綠葉從今滿又誤尋春杜牧之

吳孃一曲總消魂走馬江城晝欲昏客路怕逢寒  
食節酒家慣住杏花村遠烟如夢迷山影新綠和  
愁上柳痕多少樓臺圖畫裏玉鞭敲徧不開門

濕雲壓屋夜冥冥落盡春紅響未停孤枕夢驚千  
里斷小樓人坐一鐙聽尋來舊事愁空結問到流  
年酒欲醒九十韶光彈指去天涯樹色又青青

漢上

輕裝漢上暫勾留載酒春宵汗漫游如此江山又  
明月看花直上最高樓

寄王西林

吳江楓落記分襟柳色晴川感客心  
小別信如春鴈杳相思情比暮潮深  
畫橋烟雨青溪舫落日雲山碧海琴  
良夜花關渾不掩知君或有夢來尋  
游赤壁遇雨

不辭觸熱到江樓捲地風來暑忽收  
萬片頽雲沈赤壁一天急雨過黃州  
夕陽嵐翠晴猶濕古木平臺爽似秋  
欲看西山千丈瀑更從樊口下輕舟  
西山寒溪寺懷古

寒溪寺外青山暮山中百道飛泉注  
曾是吳王避暑宮沿溪尚有前朝樹  
紫髯霸業定三分一面風

當百萬軍秣陵王氣雄天塹赤壁江聲走陣雲此  
地當年盛樓閣閒攬江山入寥廓蜀江波浪自黃  
牛漳河臺榭空銅雀轉眼舟師下武昌千尋鐵鎖  
盡沈江殘磚猶刻吳黃武賸土都歸晉太康於今  
廢址人經過寒烟衰草牛羊臥右憑鄂渚左蘄陽  
蒼茫戰壘愁無那徒倚臨風日又曛赤烏遺事忍  
重論老僧指點山頭石猶帶當年試劒痕

曉過京口

片帆東指海門遙唱罷天雞正上潮風露滿身人  
獨起半江紅日看金焦

錢唐張鄒谷

迎煦

余以試詩古識之補弟子員旋侍

其尊人雪濤

淦

至兩粵吉制府幕時黔中狎苗不軌

擾及粵西迎煦與父同在戎幕飛書草檄之暇不廢吟詠從征一年大功告竣以軍功得學博嘗呈其從戎草一冊多喬梓倡和之什雪濤幕游半生故福郡王尤契重之自云足跡徧天下所未至者吉林伊犁西藏諸地而已常從征臺灣功成可得五品官辭不受亦奇人也著有之萬集

張雪濤之萬集

臺海從軍詞

弱冠登壇掃穴庭凌烟勲業早圖形於今上相臨  
戎帳那有欃槍未墜星

殊恩特錫左旋螺百道樓船鎮駭波唱徹潮雞鼉  
鼓歇不知海道幾更過

海洋以更計程更六十里

霓旌席捲陣雲重狡穴摧殘兔絕蹤一夜水沙連  
地外火灰飛九十九尖峯

山名

射生矯捷筠弓小度水輕便莽葛新

剡木濟渡番人呼爲莽葛

鯨影潛消雙鹿耳蛟涎不捲七鯤身

凱歌饒唱互琤琮竹馬銅鳩戀節幢萬解舟輕雙

席穩青山一髮是蚶江

琴劍飄蕭遍九州從戎晚晚涉滄洲金鼇背上揚  
帆渡奇絕平生是此游

大軍征苗端江舟中作

邊關此日想犁庭星掩天狼羽檄停荷殿重尋迴  
雁路黔粵皆舊游地彎弧休上射烏亭蠻江屈曲流應赤

愚鬼啁啾燐不青笑爾么磨成底事空憐蹀躞馬  
蹄腥

百色進兵

畊市靜無驚嫖姚捲甲征險穿虵蚓路倦聽鷓鴣  
聲紅飯青葵裏烏蠻赤脚行王師洵神武玉石

定香亭筆談

卷一

哭

自分明

官軍收者浪

飛騰峻阪鐵衣羣戰氣雄開瘴嶺雲八陣遠勤諸  
葛略五溪重度伏波軍怒螳奮臂身先縛黠鼠潛  
蹤穴已焚十萬降苗馬前拜好安隴畝事耕耘

西隆新月

少年映月能作蠶頭書摩挲老眼愁今余冰輪三  
五花隔霧何況一鉤斜出纖纖初荒邊戰罷瘴雲  
捲牽牛猺獮侵夜犁菑畲銀弓幕挂影熠燿寶鏡  
匣漏光羅疎蠻峰齧齧疊屏障秋林髣髴環山陞

欖槍夜落妖鳥盡談兵底事還躊躇軍門橫槊歌  
繞樹衡廬倚杖思前除咄哉兒女見高不見濶想  
見清輝滴淚同蟾蜍

八渡戎帳作

細柳圍營鼓角鳴  
蘊廬地占數弓平  
雨聲似打烏篷急  
鐙影疑聯棘院明  
斥埃依崖蜂聚落  
刀矛列隊蟻縱橫  
老夫笑指圍棋局  
一著分明未落枰

張鄒谷讀畫樓詩

樟樹鎮

六師未動報功成  
黃石磯前妖鳥驚  
定策幾先平

大難觀兵事後笑無名千秋碑碣蒼崕峙

王文成公討宸

濠紀勛碑

兩戒山河亦手擎太息金川門早啟當

年誰與挽天傾

夜過峽山飛來寺風利不泊

日落滄江暮靄霏深林遙映佛燈微扁舟絕似拋  
梭急古寺曾傳挾雨飛蠟展一雙懸後約齋鐘百  
八息塵機歸帆他日容吾到千仞岡頭笑振衣

虎頭門泛海

曙色潛衝宿霧昏明霞百道湧朝暎煩冤精衛填  
難盡鎖鑰於菟勢獨尊十粵渺如浮地肺三山好

去探雲根輕舸也擬垂楊客斜趁秋潮出海門

端江舟晚

據關曾處遲來庭角吹樓船去不停  
鞦韆晴波搖夕照  
貔貅小隊列津亭  
村村榕蔭濃垂綠  
朵朵蓮峯遠送青  
醉倚吳鉤一長嘯  
魚龍驚起晚風腥

鬼子劍

鬼子之白白如雪  
鬼子之黑黑如漆  
對客含笑雙眼碧  
腰間插劍長三尺  
八解劍長跪奉上官  
劍未出匣氣已寒  
陰風蕭蕭霜氣團  
上有奇字橫闌干  
細如錐薄如紙  
光鑑髮采未繞指  
以刺人人立死  
鬼子

劒殺苗子吁嗟乎我兵一萬三千人安得人人盡  
持此

營眺次韻

雙聳吟肩細柳間孤城環列百重山勛名新息標  
銅柱威勇崑崙破石關萬幕戈鋌屯虎豹千絲綢  
罽制魴鱖爾曹畢竟成何事誰是生公爲點頑

西隆新月次韻

竹訊久闕平安書清宵立月常愁余從戎萬里閱  
春夏又見素魄生秋初西隆城西一鉤挂昏黃淡  
映薔花畚遠火明滅星影動蠻峰掩靄蟲吟疎

嚴人靜夜寥寂但聞刁斗聲環陸鄉園此日美鱸  
稻刀環入夢心躊躇明河耿耿自迢遞離緒乙乙  
難祛除何時乘風放歸櫂滄波詠對銀蟾蜍

大兵渡紅水江

千山環翠壁一水滾紅沙舟楫波心鷁旌旗谷口  
霞樹懸人面果岸發象蹄花乞命多猺猓牽羊伏  
路义

游桂林棲霞洞

桂林山最奇有骨而無肉幾點棲霞山玲瓏洞聯

六洞門六重俗  
呼爲六洞

選暇此散策路陡兩崖蹙老僧簪

火來導我入山腹下行百餘級洞門廣如屋土紋  
纏靈芝

洞口地俱芝紋

石室黯蒼玉洞暗火光得境窄語

聲促上下與左右怪石相排矗或平如刈田或高  
如張幄或攢如蜂窠或窘如蝸角壁上趺笑佛蓮  
花繞其足漁人立頽然撒網向江隩渟泉無底深  
相傳有龍浴石牀薄如葉仙人作碁局垂空騰怒  
螭橫道駭奔鹿鍾乳千萬年珠孔八九曲后土不  
容脚義馭折翻軸忽焉啟雙門路岐步躑躅右洞  
至者少云通九疑麓寒風吹颼颼微窺逼矚瞭褰  
衣向左行畧約臥飛瀑呿坼聞鳴雞熹微露朝旭

蛇行四五里至此躬猶鞠劃然別有天疑不在塵  
俗開朗桃花源黑暗阿鼻獄直是穿胸脇豈徒識  
面目袖間出浮雲日中無列嶽回首望諸峯蒼烟  
裏犖瑯作詩紀奇景追逋翦雙燭同游者郭三名  
棟字春木

胥江舟夜

水月浩無際遙山一抹微窅然流梵磬知是近禪  
扉沙白照成雪江空寒到衣風帆疾如鳥吟罷過  
巢磯

梅關

五嶺雄關半壁支盤空磴道雁飛遲將軍一去長  
畱姓丞相千秋尚有祠明發便非炎瘴路得歸剛  
及筍樓時題橋誰奮相如筆他日重來未可知

石門方蘭坻

薰

山水花卉得宋元人之祕法同時錢

塘奚鐵生

綱

亦以山水花卉擅絕武林斯時浙東西

求一鼎足者不可得蘭坻工詩有山靜居詩鈔

方蘭坻山靜居詩

白鴿篇

爲桐鄉程氏所蓄雙鴿作也明義  
抱節不意見之微禽因書其事

翩翩雙白鴿玉立棲花房主人殊愛惜調護非尋

常雕籠貯深幄紅粟開陳倉屏雀少顏色軒鶴難

輝光朝放夕來歸鈴聲隨風颺主人一朝貧有鴿  
無礮糧衆鴿難忍飢聯翩適他方惟有兩白鴿徘徊  
徊主人堂朝飛尋燕麥野啄充飢腸夕歸畏狸奴  
貼羽依空梁素翰日摧頽相顧增淒涼恐負主人  
恩他適亦不祥雌雄不相捨歲月情如常虺蛇夜  
深至一雄構其殃雌也急鳴救力弱勢莫當奮身  
奪毛羽銜泥瘞秋塘啄食不敢吞先爲死者嘗悲  
鳴守其側終夜哀枯桑淚落杜鵑赤碧草不肖芳  
寧爲並命鳥不作逆毛鴿生被主人愛死戀主人  
有感茲白鴿義懦士心懷剛

畫墨竹

山澤閒曠不知肉從事毛錐頭已禿硯池中有梅  
花泉一竿兩竿寫蒼玉纖風午夜搖空庭鳴璫翠  
羽來湘靈湘靈清怨入瑤瑟二十五絃聲泠泠散  
入深宵不成夢影上闌干舞青鳳酒醒香殘看未  
眞墨痕著處秋陰重

漢銅龍虎轆轤鐙歌

蒼銅模糊土花蝕鴈足高擎漢時物無足曰鐙有  
足銳金藕玉芝光奪月乍疑鰲杓肖形模却訝羽  
觴差彷彿器憑機鈕名轆轤象畫辰寅定時日幹

旋玉虎並牽絲缺落金龍尚存質花燦曾迴舞袖

翻蠟殘還憶懽筵別星分銜壁珠旖旎雨斷空塔

正明滅題詩樊榭名姓畱稽古汲郡原委失呂大臨考

古圖不載或云荒塚闕幽光攜出陰房貯膏漆生

用長檠照珠翠死憐孤焰明骸骨魂銷底作有情

癡身後猶畱子孫吉上篆文曰宜子孫吉病夫經眼意千載

忍凍摩挲歎奇絕夜深刻燭賦難成眼前爲有西

京筆

書趙子固畫水仙卷

玉葉金蕤欲狀難王孫辛苦託豪端魏塘夜月花

前出汴水春風畫裏看一片丰神無俗韻十分清  
瘦逼人寒故宮草沒冬青老歷劫猶憐墨未殘

鐵生曠達耿介閤門謝客雖要津投刺乞書非其人  
不可得見亦不能強也六法之外隸古篆刻磨不精  
妙詩抒寫性靈超然絕俗如其人汪稼門方伯  
欲以孝廉方正徵之不就

志伊

奚鐵生冬花盦詩

游寶石山

我登寶石山山瘦削寒碧巍然窳堵波天半卓孤  
立迴森蕩空林霜葉鳴策策側步怯迴梯逼面起

蒼石賞奇心固幽造極境忽闢屬目送飛鴻煙江  
一痕隔冉冉去野雲轉瞬已無迹浮生正如斯胡  
爲苦形役不若來山中優游愜所適前轉青蘿岡  
遂造佛子宅山僧頗解事挈瓶聘歡伯狂醉臥松  
根不知煙磬夕

龍挂

墨雲擁山天地黑狂飈怒捲波濤立蜿蜒曳尾垂  
海東水氣冥濛腥霧濕是時旱魃恣作威勢列赤  
幟牽朱旂田禾焦槁溪澗涸疲民苦渴仍苦饑一  
朝茫洋薄光景覩此神物蟠空飛行人咋舌不敢

語舟子紛拏無泊處俄驚霹靂震山谷雨點滂然  
急飛鏃我方探奇向巖麓湖湄獨傲僧廬宿一夜  
掀扉翻瓦屋曉看拔起千年木

墨竹

蕭郎兩重吾未見老可千畝誰爲傳平生食笋不  
計數有時吐出胸中煙涼堂汲水潑清影一一小  
鳳飛秋天夢魂今夜落何處滿篷明月行湘川

呂紀畫雁

昔觀徽廟寒磧圖雪色凜凜開江湖西風蕭颯吹  
黃蘆陽鳥十百如相呼閒廳今展青瑤軸又見衡

湘秋一幅誰其作者呂指揮老筆盤旋驚衆目能  
開生面寫荒寒衰柳疎花散碧灘萬里來時關塞  
遠一行飛處水天寬指揮昔直仁志殿豈特徒工  
寫羣雁進規立意秉忠貞藝苑今猶稱筆諫宅相  
雙石能繼聲畫禽最得禽之情誰知更有呂文英  
癖得人呼小呂名

題畫絕句

小閣平闌映水光東風無樹不鶯簧桃花記得江  
南岸一片春帆帶夕陽

沙岸風微水不波林居高下隱巖阿便當此地從

耕釣月一犁鋤雨一蓑

茅屋高低烟樹重陰崖飛瀑玉淙淙溪翁不放尋  
詩艇荷鋤劇雲何處峯

竹烟松露濕蒼苔小結團茆面水開不覺秋容已  
如許時流紅葉過溪來

一徑綠通千个竹三間青繞萬重山客來蕭澹無  
他供臥聽秋聲晝掩關

一片春烟濕酒旗杏花紅壓竹間籬雨多到處溪  
流急獨拄吟筇立少時

臨水數峯無限好最宜雨裏復雲中今朝溪上移

舟去看到斜陽又不同

夕陽流水繞孤村數盡歸鴉烟樹昏  
恠底竹風無賴甚又吹寒月入柴門

一片秋心寫亦難霜痕雪影散晴灘  
琵琶撥盡當時淚賸有飛鴻叫暮寒

千頃蘆花看作雪數峯寒翠遠堆烟  
道人撥棹不歸去自愛五湖秋水船

錢塘高邁巷

樹程

善畫山水雖未及鐵生而筆有士

氣詩學李昌谷頗有奇古之致姚嗣懋花卉法惲南田山水亦秀逸

高適巷詠雪八首

碧翁有情媚詩客碎翦吳雲作飛雪草堂四照盡  
梅花麗殺千珠萬珠結夢寒肌粟生被池畫屏書  
幌冰蟾姿高吟靜翫太古色曉寒炙硯調冰絲  
粉色爲天玉爲地萬落千村失幽翠柴門晝閉婦  
子閑不說奇寒說奇瑞東隣西舍多農家長林偃  
仰頽垣斜連雲宿麥已如願醉眠何意聞啼鴉  
迴風絕界天如夢塔鈴無語雲衣凍四座曇華照  
石臺一色玉毫圍鐵鳳音塵寂寂僧兩三放慵睡  
味方清酣水激象澈情誰悟古佛無語香凝龕

佛  
寺

雪花浸漫撲溪水斷板橫斜排雁齒寒驢躑躅興

自豪獨挂偏提沾酒子

東坡賦序南方釀酒未大熟取其膏液謂之酒子

流澌欲斷水底天短蘆叢棘清無烟無聲詩合有

聲畫多在寒林老屋邊

野橋

銅龍轉絲澀瓊液密壓紅闌暗雕格簾鉤半卷濃

笑春白地光明錦千尺粧成怯繡倚隱囊竹爐漸

暖餅笙簫鶴翎縛帚未須掃小試心傳切玉方

粧閣

顏雲壓波落如掌乾坤淨拭冰壺爽估客休嗟行

路難一笛江天景無兩大帆峩峩挂虛空三湘五

湖西復東看山玉照一千里柁樓倚醉呼長風

客舟

銀濤蒼茫山影破側翅哀鳴雁難過江天萬里一

老漁醉來便著蓑衣臥短篷出沒興未孤清響戛

戛鳴殘蘆富春磻溪兩不識船頭篤速輕如鳬漁蓑

駿骨連錢汗流血弄雪搏風四蹄熱游龍小隊踏

銀沙勁箭穿空獸迷穴千乘萬騎西海頭雪花浴

鐵刀光浮追奔殺賊亦如此直送黃河出塞流獵騎

仁和高爽泉

堦

工書楷法絕似虞永興夫子廟堂碑

能詩如梅莊餞別徐惕菴太守

大榕

云古洞春深龍

有氣澄潭秋老水無波從此詩城屯虎豹請看天上

下麒麟庭宇不除欽仲舉英雄已去弔蘄王桃花一

港空明月古木千章自夕陽春草云新愁舊恨縈三  
月細雨斜陽送六朝連天綠意迷酥雨一片紅心葬  
落花皆極清麗同時工書者錢唐張賓連國裕江聽  
香步青

國朝詩餘作者與宋元並軌遠軼明代六家詞分擅  
其勝其以學術餘事爲之而兼有衆美者惟小長蘆  
釣師嗣後厲徵君樊榭清空婉約得白石叔夏正傳  
建炎湖山之妙尚可於移宮換羽間得之近者吳穀  
人太史錫麒汪劒潭學正端光並稱高手吳最縝密

汪則哀艷而郭頻伽磨尤二娛維熊後起獨出一時

並秀頻伽仿表聖詩品撰詞品十二則深得三昧

頻伽詞品

千巖巉巉一壑深美路轉峯迴忽見流水幽鳥不  
鳴白雲時起此去人間不知幾里時逢疏花媚若  
處子嫣然一笑目成而已

幽秀

行雲在空明月在中瀟瀟秋雨泠泠好風卽之愈  
遠尋之無蹤孤鶴獨唳其聲清雄衆首俯視莫窮  
其通回顧戴澤翮哉飛鴻

高超

海潮東來氣吞江湖快馬斫陳登高而呼如波軒  
然蛟龍牙須如怒鵬起下盤浮以十里萬里山奔

電驅元氣不死乃與之俱

雄放

夫容初華秋水一半欲往從之細石凌亂美人有  
言玉齒將粲徐拂寶琴一唱三歎非無寸心繾綣  
自獻若往若還豈曰能見

委曲

美人滿堂金石絲簧忽擊玉磬遠聞清揚韻不在  
短亦不在長哀家一梨口爲芳香芭蕉灑雨芙蓉  
拒霜如氣之秋如冰之光

清脆

雜花欲放細柳初絲上有好鳥微風拂之明月未  
上美人來遲卻扇一顧羣妍皆媿其秀在骨非鉛  
非脂眇眇若愁依依相思

神韻

人生一世能無感焉哀來樂往雲浮鳥仙銅駝巷  
陌金人歲年鉛水迸淚鵲雞裂弦如有萬古入其  
肺肝夫子何歎唯唯不然

感慨

鮫人織綃海水不波珊瑚觸網蛟龍騰梭明月欲  
墮羣星皆趨淒然掩泣散爲明珠織女下眎雲霞  
交鋪如將卷舒貢之太虛

奇麗

好風東來幽鳥始哢陽春在中萬象皆動一花未  
開衆綠入夢口多微詞如怨如諷如有玉管快作  
數弄望之邈然鶴背雲重

含蓄

清霜驚秋微月白夜其上孤峯流水在下幽尋欲

窮乃見圖畫愜心動目喜極而怕跌宕容與以觀

其鱗翩然將飛倘復可跨

道靖

襍組成錦萬花爲春五醞酒釀九華帳新異彩初  
結名香始熏莊嚴七寶其中天人飲芳含菲摘星  
扶雲偶然咳唾如珠如塵

禮鑑

名士揮塵羽人禮壇微聞一語氣如幽蘭荷雨夜  
歇松風夏寒之子何處秋山繁繁萬籟俱寂惟鳴  
幽湍千漱百噓奉君一丸

名雋

仁和錢金粟

福林

綜覽經籍兼工詞翰下筆機速刻

畧可待華實竝茂之士此爲翹楚福林本名林以時

有同名者改今名偶見其懷人詩錄之

錢金粟懷人詩

風引雙旌度玉關臨岐西望慘離顏誰能更作還

鄉夢萬里黃河一片山

沈武威震

疎雨梅花總斷腸銀鑪春夜細凝香樓頭憶煞紅

襟燕公子三年住晉陽

邵上舍垂德

不曾識面鈔詩與憶在髫年感更多埋骨蒼涼何

處是潺潺秋淚落如河

武進黃景仁見余少作以詩冊相寄皆吳會英才集

所未收者可知散佚者多矣

攜家聞道赴滇池從此歸期未有期問訊西風好

憑仗秋江鴻雁欲來時

許昆明惇

春暮枕琴眠綠陰千巖萬壑引人深鯉魚只隔半

江水三日不來煩我心

王舒濤

征騎蒼茫不肖還喜吟詩句效南蠻無端恨別兼

懷古秋雨秋風六詔間

汪鴻文

樂家石瀨響潺潺文杏幽篁靜掩關吟罷五言斑

管膩背他春鳥畫春山

袁蘭村通

清明寒食味悽悽細草狂花古尉犁頭白孤臣易

垂淚不關萬里望金雞

全太守士潮

生計天涯作未曾老來猶似打包僧家鄉好景君

知否冬釀唐花舊馬塍

再仲兄種

天祿藏書任與看更騎驄馬踏長安玉臺一序鈔

都徧誰識徐陵是諫官

從兄御史杖

一笑居然鷓鴣儔花前薄醉厭鳴騶故擁胡牀學

鄉語畏人強喚作黔州

從兄開州樹

一片黃榆下早秋關門黯黯閉鄉愁知君立馬無

窮意畫角殘陽古薊州

家兄謝菴校時從歸方伯出塞

渾源洲前沙草春昆明池畔淚沾巾不堪兄弟分

南北萬里同爲旅食人

舍弟叔美榆時客昆明

仁和孫思澧

仁鼎

能詩氣格清穩尤長于詞詩句如

春柳云細眼欲窺新水色長眉初畫遠山痕素絲影  
散纔經剪金縷衣裁懶疊箱當門葉暗驂驅繫垂手  
枝長蛺蝶飛對菊云秋光放眼十分好白日吟詩一  
字無

錢塘陳秋堂

豫鍾

深於小學篆隸皆得古法摹印尤

精與曼生齊名秋堂專宗丁龍泓兼及秦漢曼生則  
專宗秦漢旁及龍泓皆不苟作者也曼生工古文擅  
書畫詩又其餘事矣

落葉詩佳句甚多馬秋藥

履泰

云虛白一時添客舍

冷紅隨意落漁罾吾弟仲嘉

亨

云夕照紅翻雅背重

荒山黃跡

馬跡

跡

多

前合

上